

ՀԱՂՈՐԴՈՒՄՆԵՐ

ԼԵՎՈՆ ՍԱՐԿԱՎԱԳ ԵՐԼՋԱՅԱՆ

ՆԱՅ ԵԿԵՂԵՑԻՆ ԶԱՔԱՐՅԱՆՆԵՐԻ ՕՐՈՔ.
ՇԱՐԺԱԿԱՆ ՍԵՂԱՆԻ ԽՆԴԻՐԸ

Մեծ Է ԺԲ-ԺԳ. դարերում գործած եւ հայ ժողովրդի պայքարային մեջ փառավոր դիրք ունեցող Զաքարյան իշխանական ընտանիքի քաղաքական, մշակութային, եկեղեցաշին ու եկեղեցանպաստ գործունեությունը: Զաքարյանները պայքարային ասպարեզ իջան այն ժամանակ, երբ սելջուկյան փերությունը մասնափայլել, քայքայվել ու անկում էր ապրում, իսկ մյուս կողմից հզորացման գագաթնակետին էր հասել հարեան Վրաց թագավորությունը: Վրաստանի հզորացումը ոգևորում էր հայերին ու շուրափույթ ազապագրական հույսեր ներշնչում: Այսպիսի իրադրության մեջ Զաքարյան իշխանական ընտանիքը, կարողանալով ճիշտ գնահատել ժամանակի քաղաքական իրավիճակը, հայ-վրացական դաշնակցության միջոցով՝ գլխավորեց ազապագրական այդ պայքարը: Զաքարյաններին հաջողվեց շար կարճ ժամանակահատվածում դառնալ վրացական պետության հզոր իշխանական փերից մեկը: Նրանց անմիջական օգնությամբ Վրաստանն իր գերիշխանությունը փարածեց մինչև Պարսկաստանի հյուսիսային նահանգներն ու Մեծ Նայքի հարավային շրջանները: Մյուս կողմից ազապագրված հայկական փարածքներում վերականգնվեցին ինքնուրույնությունը, քրիստոնեական ու հոգևոր կյանքը: Զաքարյանների օրոք կառուցվեցին եւ նորոգվեցին բազմաթիվ ամրոցներ, վանքեր ու եկեղեցիներ: Նայկական մի շարք շրջաններ, որ գտնվում էին ամիրությունների փերապետության փակ՝ մեկը մյուսի ետևից ազապագրվեցին եւ առանձին իշխանություններ կազմեցին, որոնք գտնվում էին Զաքարեի եւ Բվանեի անմիջական իշխանության ներքո: Այսպիսով, վրաց-հայկական զինակցության եւ ռազմական գործողությունների արդյունքում ազապագրվեցին պայքարական Նայաստանի հյուսիսային, արևելյան, մասամբ եւ կենտրոնական նահանգները՝ Շիրակը, Արարատյան դաշտավայրը, Գուգարքը, Ուրիքը, Սյունիքը եւ Արցախը: Զաքարյան Երկայնաբազուկները վրաց Բագրատունիներից սրացան Նայաստանի ազապագրված նահանգները՝ մի մասը որպես սեփականություն, մյուս մասը՝ ի փերապետություն:

ԺԲ-ԺԳ. դարերում ավելի քան մեկ դար փերած հայ-վրացական քաղաքական եւ ռազմական համագործակցության ընթացքում բնական է, որ փերի ունեւային նաեւ եկեղեցական շփումներ եւ, ըստ այդմ էլ, առաջ գային փարածայնություններ գանազան ծիսադավանական հարցերի շուրջ: Աշխարհիկ իշխանությանը զուգընթաց աճում էր նաեւ Վրաց Եկեղեցու ազդեցությունը: Որպես հաղթող ու Նայաստանն ազապագրող ուժ՝ վրաց կողմը, բնականաբար, գերապայքություն էր վերապահում իրեն նաեւ կրոնականեկեղեցական հար-

ցերում: Նայրնի է, որ սելջուկյան լծի ծանր պայմաններում բյուզանդացիներն սկսեցին լքել հայկական սահմանները, և նրանց եպիսկոպոսական թափուր մնացած աթոռները կամաց-կամաց անցան Վրաց Եկեղեցու ենթակայության տակ¹: Նայ-վրացական եկեղեցադավանական հակամարտությունն զգալի չափերով սնուցվում էր նախորդ և այս շրջաններում Նայ Եկեղեցու դեմ բյուզանդական միջավայրում սրելոված մի շարք երկերով: Շուրջով նմանաբան երկերով է սկսում հանդես գալ նաև Վրաց Եկեղեցին: Դրանցից, Ջաքարյանների օրոք, հայրնի էր Արսեն Իշաթոյացու (Վաղոսաձե) «Դոգմաբիկոնը», որին ի պատասխան Մխիթար Գոշը գրում է «Թուղթ առ Վրացիս» ջաքարգովությունը:

Տիրում էր կրոնական անհանդուրժողականություն. «Եւ այս աղբ ամբաստանութեան է, զի Յոյնն զինքն կարծէ ճշմարիտ, և Նոռմոն՝ զինքն, նմանապէս և ազգ ամենայն, առ որ ասելի է. Արդ՝ եղիցի Աստուած ճշմարիտ, և ամենայն մարդ՝ սուրբ: Թէ այնպիսի ունեաք կամք, որ գրարին յամենայն ազգաց ժողովեաք և զխորանն ի բաց ընկենուաք, Աստուած գործակից լինէր և ի բարին ուղղէր կարգ եկեղեցոյ. զի չիք ազգ, որ բարի կարգ ոչ ունի և խտրան»²:

Նայ-վրաց եկեղեցական հարաբերություններն ավելի սրվեցին 1197 թվականի Ծռագարկի պատճառով: Չանստով Վրաց Եկեղեցու հարկադրանքներին՝ հայերը Ջաքարիլը պոնեցին նրանցից մեկ շաբաթ հետո, որի արդյունքում «սկսան վիճել և կազել ընդ միմեանս, և ի սաստկանալ կռույն՝ յարձակեցան վիրք ի մին յեկեղեցեացն հայոց (թերևս ի Տփլիսի քաղաքի), և հրձիգ արարին զայն. յորում այրեցան ոգիք քառասուն»³: Նայերն իրենց հերթին հակահարձակ եղան, և «չեղև նոցա այլազգ խաղաղել զհայս, բայց եթէ վճարելով հարիւր հազար դահեկան վասն շինութեան եկեղեցոյն, և այլ եւս քառասուն հազար դահեկան վասն քառասունից՝ որք այրեցան յեկեղեցոց անդ»⁴:

Նայ-վրաց այս և նման խնդիրների ժամանակ էր, որ առաջ եկավ Ջաքարյան իշխանների դավանական պարկանելության հարցը, որի արդյունքում Բվանեն վրացադավանություն ընդունեց, իսկ Ջաքարեն հավատարիմ մնաց Նայ Եկեղեցուն: Ջաքարյան եղբայրների եկեղեցական դիրքորոշումը հայ պատմագիրները հետևյալ կերպ են բնութագրում. «Բայց Իւանէ խաբեալ ի թագուիւոյն Թամարայ՝ տկարացաւ ի հաւատոյն... իսկ Ջաքարէ՝ աւագ եղբայրն. մնաց յաւագ և ի սեպհական հաւատն»⁵, «Իւանէ խոտորեցաւ յաղանդն Բաղկեդոնի, յոր կործանեալ էին վիրք, զի սիրեաց նա ի թագուիւոյն՝ որ Թամար կոչէր, ի դստերէն Գիորգեայ, իսկ Ջաքարէ յուղղափառութեանն եկաց, զոր դաւանեն հայք»⁶:

1 Քաղկեդոնականությունն ըստ Ն. Մառի, արդեն Ժ. դարում բավականին արմատներ էր գցել հայ եկեղեցական իրականության մեջ այն ասորիճան, որ հակաքաղկեդոնական մասը, մի պահ, կարծես փոքրամասնություն էր կազմում: Ըստ նրա դեռ Թ. դարասկզբին «հայ քաղկեդոնականների դրությունը Նայաստանում այնքան ամուր էր, որ նրանք ձգվում էին երկրում հասնել գերիշխանության: Նյուխասթեմիայի Նայաստանը Կոլարջք և Տայք մարզերով՝ այդ ժամանակ արդեն նրանց ձեռքում էր: Արարանուջի Բագրատունիները՝ երկրամասի փիրակալ իշխանները, արդեն քաղկեդոնականներ էին, և դա շատ էր օգնում այս ծայրամասում քաղկեդոնականների հաղթանակին» (Н. Я. Марр, Кавказский культурный мир и Армения, Ереван, 1995, стр. 214):

2 Մխիթար Գոշ, Թուղթ առ Վրացիս՝ յաղագս ուղղափառութեան հաւատոյ. տե՛ս «Գանձասար», հայր. Զ, Երևան, 1996, էջ 352 (այսուհետև՝ Մխիթար Գոշ):

3 Մ. Չամչյանց, Նայոց Պատմություն, հայր. Գ, Երևան, 1984, էջ 161:

4 Անդ:

5 Վաղդան Բաթրբերդցի, Պատմութիւն փիեգերական, Մոսկվա, 1861, էջ 181-182:

6 Կիրակոս Գանձակեցի, Պատմություն Նայոց, Երևան, 1961, էջ 166:

Ժամանակի հայ պատմիչների վկայությամբ, ինչպես արդեն վերևում հիշարարակեցինք, Իվանեն քաղկեդոնականություն էր ընդունել, իսկ Զաքարեն մնացել էր Հայ Եկեղեցուն հավատարիմ: Իվանն իշխանի դավանափոխության մասին մի քանի այլ մանրամասնություններ է հաղորդում ԺԳ. դարի վրաց անհայտ մի հեղինակ, ըստ որի, մի օր, երբ պատարագում էր վրաց Իվանն Կաթողիկոսը, Զաքարն իշխանը ցանկանում է Ս. Հաղորդություն վերցնել, սակայն մերժվում է վրաց քահանաների կողմից, քանի որ դավանանքով հայ էր: Եւ այդ ժամանակ Վրաց Կաթողիկոսն սկսում է պախարակել Հայոց Եկեղեցու դավանանքը. «ուղղափառներից վոչ ոք թույլ չի տա քահանայագործության [ժամանակ] տալ նշխար ձեզ, յոթն անգամ նզովյալ հայերին. Իսկ շունը որ գտնի, լայեղ էլ չի անի ձեզանից փախցնի»⁷: Զաքարեն վործում է նրան ապացուցել հայրենի հավաքի ճշմարտացիությունը, բայց արևմտյան, որ ի գործու չէ, ասում է. «Աղիմնեմ մեր դավանության (հավաքի) վարդապետներին, որոնք իմ փոխարեն կամաչեցնեն ձեզ»: Նա մարդ է ուղարկում Հայոց Կաթողիկոսի և նշանավոր վարդապետների մոտ, և այդպիսի են գալիս Վանի (Աղթամար) Կաթողիկոսը, եպիսկոպոսներ, վարդապետներ, և սկսվում է բանավեճը, որն այնքան է սրվում, որ Իվանն Վրաց Կաթողիկոսն առաջարկում է սրբուգել, թե ում սրբագործած նշխարն է վերածվում Բրիսպոսի ճշմարիտ Մարմնի: Երկու կողմերն էլ երեք օր մեկական շան անոթի են պահում, ապա սրբագործած Հացը գցում դրանց առաջ: Սոված շունն ուտում է հայերի նշխարը, և վերջիններս պարսություն են կրում: Տեսնելով այս ամենը՝ Իվանեն ասում է եղբորը՝ Զաքարենին. «Չուգեցի ընդդիմախոսել վրացիներին, քանի որ ճշմարիտ հավաքի տեր եմ: Այժմ ինչը պետք է ինձ լինի խաջընդուր (կանգնեցնի), վոր ես չընդունեմ ճշմարիտ հավաքն ու չմկրվեմ վրաց կաթողիկոսից»⁸: Իվանեն և նրա հետ բազում հայեր վրացական մկրություն են ընդունում: Վրաց անանուն այս պատմիչի⁹ հաղորդման պատմագիտական փաստարկ լինելն սրբուգելու համար ոչինչ չունենք, միայն ակնհայտ է, որ հեղինակը դիմել է չափազանցությունների:

Այսուհանդերձ, այն, որ, պատմիչների համաձայն, Իվանն Զաքարյանը դավանափոխ է եղել, հավասարի է, և այդ են վկայում նրա կողմից Հայաստանում կառուցված կամ վերածված քաղկեդոնական վանքերը (Ախթալա, Մեղրաձորի Դոնձավանք, Քոբայր), սակայն հարկ է անդրադառնալ, թե ինչ հանգամանքներում նա դավանափոխ եղավ: Դժբախտաբար այսօր մեր ձեռքի տակ ավելի շատ են վրաց կողմի սկզբնաղբյուրները, ովքեր, դուրս գալով ժամանակի քաղաքական համարեքստից, նույնիսկ հանգում են պատմականորեն ոչ ճշգրիտ հեղուկությունների. «Իվանեն, ինչպես երևում է հայկական աղբյուրներից, դարձավ հերետիկական քաղկեդոնական և շուտով բուն հայկական հավաքի ու եկեղեցու դեմ բացահայտ պայքարի մեջ մտավ»¹⁰: Իվանն Զաքարյանը երբեք Հայ Եկեղեցուն հակառակ գործունեություն չի ծավալել, ավելին, նա էր, որ Մխիթար Գոշին տարածք էր տարածադրել Նոր Գեորգիի վանքը կառուցելու համար, նա էր, որ ինչպես կրեմլենք, երբ Զաքարեն ձերբակալել էր հայ վարդապետներին, ազատ էր արձակել և այսպես շարունակ: Իվանն

7 Լ. Մելիքսեթ-բեկ, Վրաց աղբյուրները Հայաստանի և հայերի մասին, հատ. Բ, Երևան, 1936, էջ 19:

8 Անդ:

9 Այս պատմությունը՝ «Թագակիրների պատմությունն ու գովաբանությունը», հայերեն է թարգմանել Խ. Թորոսյանը և զեպրել է իր «Թագակիրների պատմությունն ու գովաբանությունը» որպես Զաքարյան Հայաստանի ու Զաքարյանների պատմության սկզբնաղբյուր» գրքում (Երևան, 1992):

10 Մույն կարծիքն արտահայտել են վրաց հեղինակներ Շ. Մեսխիան և Վ. Գոջոան (տե՛ս Խ. Թորոսյան, էջ 243):

Զաքարյանի դավանափոխության հարցն ըստ Խ. Թորոսյանի պայմանավորված էր վրաց Թամար թագուհու հեղափոխական անձնական հարաբերություններով. «Ակնհայտ է, որ այն անարարներ, կրավորական չէ: Նա (Թամար-Լ. Ե.) միայն հրապուրանքի առարկա չէ, այլևս հրապուրող է, որովհետև Իվանեն «խաբեալ է» նրանից»¹¹: Սակայն մեր կարծիքով Զաքարյան եղբայրների դավանական հարցն ավելի քաղաքական բնույթ էր կրում, քան թե կրոնական, որովհետև Զաքարեն ևս, համարվելով հայադավան, ամուր կառչած չէր հայ դավանանքին, քանի որ խոստովանահայր Մխիթար Գոշը մրավախություն ուներ նրա դավանափոխության հարցում: Գալով Խ. Թորոսյանին, ասենք, որ Թամար թագուհու հեղափոխական կապերը հնարավոր է, որ նույնպես Իվանեի քաղաքական ծրագրերից լինեին:

Անդրադառնալով Զաքարյան իշխաններից ավագ եղբորը՝ Զաքարեին, ասենք, որ, ինչպես վերը նշեցինք, մնալով Նայ Եկեղեցու հավարարին գավակ, այնուհանդերձ, ցանկանում էր մի քանի խնդիր լուծել՝ կապված Նայ Եկեղեցու ծիսական առանձնահատկությունների հետ¹²: Դրա համար առիթ էր դարձել բանակում շարժական Ս. Սեդան ունենալու խնդիրը: Բանն այն էր, որ հայ-վրացական միացյալ զորագնդերում վրացիներն ունեին շարժական Սեդան և պարարագամարույց քահանաներ, ինչի շնորհիվ էլ ռազմական արշավանքների ժամանակ հնարավոր էր լինում նշել եկեղեցական պոները ևս հաղորդվել, մինչդեռ ինքը՝ Զաքարեն «ոչ ուներ... և յոյժ ցաւ էր նմա»¹³: Այս հարցով նա դիմում է Մխիթար Գոշ վարդապետին: Վերջինս պարասխանում է, որ հայերը ևս նախկինում ունեցել են նման սովորություն, ինչպես օրինակ Տրդատ Մեծի կամ Վարդանանց պարերազմի ժամանակ: Ոմանց կարծիքով Նայ Եկեղեցում շարժական Ս. Սեդան գործածելու ավանդությունը գործել է մինչև ԺՎ. դար. «Էր յառաջագոյն ևս յազգս մեր այն սովորութիւն ի բացօթեայս պարարագել, այլ յեր Բագրարունեաց այն անհերացեալ»¹⁴: Թե ինչ պարագաներում այս ավանդությունը մոռացության փոխվեց, մեզ հայտնի չէ: Մխիթար Գոշը նաև ասում է, որ շարժական Ս. Սեդան օգտագործելու համար Զաքարեն պետք է դիմի Նայոց Կաթողիկոսին և նրանից թույլտվություն ստանա. «Մեր ոչ կարենք առնել զայդ առանց հրամանի Կաթողիկոսին Նայոց և թագաւորին Լեւոնի»¹⁵: Զաքարե իշխանը շուրջով նամակով դիմում է Նովհաննես Զ. Սսեցի Կաթողիկոսին (1203-1221), և Լեւոն II թագավորին (1187-1219)¹⁶: 1203 թվականին Լեւոն թագավորը Ստում ժողով է գումարում՝ Դավիթ Արքակաղնեցու գլխավորությամբ և ներկայությամբ կիլիկյան եպիսկոպոսների ու նշանավոր վարդապետների: Ժողովականները Զաքարեի առաջարկները, որոնք թեև մեզ հայտնի չեն, բայց դրանց մասին փնտելություն ենք ստանում ժողովի որոշումներից, համարում են «համաձայն առաքելա-

11 Անդ, էջ 242:

12 Իրոք այս շրջանում Նայ Եկեղեցում առկա էին ծիսական որոշ շեղումներ, որոնք ժամանակի ընթացքում, այլևայլ ճանապարհներով սպրդել էին եկեղեցի, և առիթ էին հանդիսանում, երբեմն արդարացի, բայց ավելի հաճախ՝ չափազանցված և անիմո մեղադրանքների Նայոց և Վրաց եկեղեցիների կողմից:

13 Կիրակոս Գանձակեցի, էջ 166-167:

14 Արեղ արքեպիսկոպոս Մխիթարյանց, Երկերի ժողովածու, Ս. Էջմիածին, 2009, էջ 261 (փնն նաև՝ Արեղ վրդ. Մխիթարեանց, Դապնութիւն ժողովոց Նայաստանեայց Եկեղեցոյ, Վաղարշապատ, 1874, էջ 118):

15 Կիրակոս Գանձակեցի, էջ 168:

16 Այս ժամանակ Նովհաննես Զ. Կաթողիկոսը հակասության մեջ էր Լեւոն II թագավորի հետ, վերջինս կաթողիկոսական գահ էր բարձրացրել Դավիթ Արքակաղնեցուն, որը ևս վարում էր բոլոր գործերը: Մրա մասին փնտելություն չունեն Զաքարեն, ինչի պարզապես դիմումը ուղղում է Նովհաննես Զ-ին:

կան կանոնաց, եւ ոչ արարաբոյ»¹⁷: Ժողովականներն ութ կանոն են սահմանում եւ ուղարկում Զաքարին.

1. Սուրբ Պարարագ մարտիցէլ դպիրներով ու սարկավագներով¹⁸;
2. Սուրբ Աստվածածնի Ավետումը փոխել ապրիլի 6-ին, Վերավախումը՝ օգոստոսի 15-ին, Խաչվերացը՝ սեպտեմբերի 16-ին, եւ նմանապես բոլոր սբերի հիշարականները փոխել այն օրը, որին որ հանդիպեն:
3. Հրագալույցներին պահելը շարունակել պահել մինչեւ ցերեկ եւ չլուծել:
4. Ընդունել Տիրոջ եւ սուրբերի պարկերները¹⁹:
5. Սուրբ Պարարագ մարտիցէլ ոչ միայն ննջեցյալների, այլ նաեւ ողջերի համար²⁰:
6. Վանականներին արգելել միս ուրել:
7. Ձեռնադրությունները կարարել ըստ նվիրապետական աստիճանների հերթակա-
նության՝ դպիր, սարկավագ, քահանա եւ այլն:

8. Վանքերում միաբանությամբ ապրել եւ չունենալ անձնական սեփականություն:

Այս ժողովի կանոններն ընդունելիս, ժողովականները մրաւոգ էին, որ Զաքարին էլ Իվանէի նման չընդունի քաղկեդոնականություն. «այդ ժողովը ոչ թէ սահմանում էր եկեղեցւոյ համար, այլ Զաքարէի պահանջմանն օրինաւորութիւն փառո համար»²¹: Իսկ մյուս կողմից Լեւոն II-ի համար սա հարմար առիթ էր իր նախաձեռնությամբ կաթողիկոսական գահ բարձրացած Դավթին համահայկական ճանաչում փառո առումով:

Ժողովի որոշումների հետք հովհաննէս կաթողիկոսը Զաքարէին է ուղարկում. «...վրան մի գմբէթադ եկեղեցաձէ եւ կազմողս եւ յորինողս նմին, եւ սեղան մարմարեայ, եւ այլ սպաս պարարագաց, եւ եպիսկոպոս մի, Մինաս անուն, եւ սարկաւագս եւ դպիրս, եւ քահանայս գեղեցկաձայնս, ասացողս պարարագին»²²: Հովհաննէս Զ-ն սրանով փորձում էր ցույց փառ, որ ինքն էր իրական գահակալը:

Զաքարին, փեղի վարդապետների համաձայնությունն ստանալով համար, 1205 թվականին ժողով է գումարում Լոռիում, որին մասնակցում են Գրիգոր Տուրեթորի, Անիի Սարգիս, Բջնիի Վրթանէս, Կարսի Հովհաննէս եպիսկոպոսները, Մխիթար Գոշը, Դավիթ Քոբայրեցին, Խաչապուր Տարնոցին եւ ուրիշներ: Զաքարին կամենում էր, որ Հովհաննէս Կաթողիկոսի նվիրած շարժական Սեղանին Ս. Պարարագ մարտիցիւր եւ ներկաները, ի նշան համաձայնության, հաղորդվեին, բայց որովհետեւ, Սսի ժողովի որոշումները բուն

17 Կիրակոս Գանձակեցի, էջ 169:

18 Ըստ Մ. Օրմանյանի հենց այս կետում է խոսվում շարժական սուրբ Սեղանի մասին (տե՛ս Մաղաքիա արքեպ. Օրմանյան, Ազգապատում, հատ. Ա, Ս. Էջմիածին, էջ 1840-1841):

19 Նայրիսի է, որ վրացիները հայերի հետ սրբապատկերների խնդրի կապակցությամբ «սկսում են կործանել հայկական եկեղեցիների ավագ խորանների խաչերը, քանի որ իրենց մոտ խաչի փոխարեն սրբապատկերներ էին դրվում Ս. Սեղանների վրա» (Յզնիկ վրդ. Պերրոսյան, Նայրց եկեղեցւո պատմություն, Ս. Էջմիածին, 1995, էջ 150):

20 Ըստ Մ. Օրմանյանի «Այդ խնդիրը լույ թիրիմացութեան հետեանք մը եղած պիտի ըլլայ, վասնզի կենդանեաց օգրին մարտցանել երբէք արգելք չէ դրուած» («Ազգապատում», էջ 1841-1842), սակայն Մխիթար Գոշն ասում է, որ իրողությունը համանկեղեցական բնույթ է կրել. «Այլ զի պարճառ եղեւ ծովութեան եւ յաճախելոյ ի հեշտութիւն» (Մխիթար Գոշ, էջ 370):

21 Յուսիկ վրդ. Մովսիսեան, Նայաստանեայցս Առաքելական Ս. Եկեղեցւոյ պատմութիւն, Ս. Էջմիածին, 2008, էջ 230:

22 Կիրակոս Գանձակեցի, էջ 170:

ընդդիմության հանդիպեցին արեւելյան որոշ վարդապետների կողմից՝ գլխավորությամբ իր քեռորդու՝ Նաղապարի վանահայր Գրիգոր Տուրեորդու և Դավիթ Քոբայրեցու, այն փրկի չունեցավ: Պատարագին չմասնակցելու համար ընդդիմադիրները գիշերով փախուստի դիմեցին, Ջաքարեն ոմանց ետ կանչելով, բռնի կերպով անցկացնում է Ս. Պատարագը՝ գլխավորությամբ Կիլիկիայի Մինաս եպիսկոպոսի:

Այսպիսով, ժողովականները բաժանվում են երկու խմբի. «ոմանք հաւանեցան այնց՝ մանաւանդ Խաչատուր և Մխիթար վարդապետք, այլ որոց գրան անհաւան, գլխաւորք էին Տուրեորդին Գրիգոր, Դավիթ Քոբայրեցի, Յովհաննէս Սանահինի և այլ բազումք, որովք և երկպառակեալք քակրեցան ի միմեանց»²³: Սրանից հետո Ջաքարեն դիմում է բռնությունների՝ ստիպելով գործածել ժողովական որոշումները. «Բազում անմխաբանութիւնք և կռիւք էին յեկեղեցիս, և լինէր փոխանակ ուրախութեան փրփումութիւն, և փոխանակ սիրոյ ընդ միմեանս՝ արելութիւն, մինչև ի սուր և սուրբերէլ միմեանց»²⁴: Ջաքարեն Սսի ժողովի կանոնները գործադրելու համար Նաղապար է ուղարկում Մինաս եպիսկոպոսին իր պաշտոնյաներով, սակայն Տուրեորդին մարդիկ է հանում նրանց դէմ, ովքեր «հույս ի վանքն ... սասարիս հարին գնա [Մինաս եպիսկոպոսին-Լ.Ե.] բոքք, և թողին կիսամահ»²⁵: Բնական է, որ սպասքը նույնպես ոչնչացվեց: Այս դեպքից հետո Տուրեորդին փախչում է Գեորգի վանք՝ Մխիթար Գոշի մոտ պաշտպանություն գտնելու, իսկ ավելի ուշ, երբ Կեչառիսի վանքում էր, Ջաքարեն բռնում է նրան, զրկում պաշտոնից ու բանտարկում:

Քանի որ այլևս չկար ամենաուժեղ ընդդիմադիրը, Ջաքարեն հաջողության հասնելու հույսով 1207 թվականին Անիում ժողով է գումարում: Մխիթար Գոշը չի ցանկանում մասնակցել այս ժողովին՝ հիվանդությունը պարճառաբանելով, բայց ժողովականներն ասում են. «Չանկարութիւն մարմնոյ մի՛ ինչ պարճառեր, եթէ ճանապարհի հասանէ քեզ վախճան, ընդ առաջին սուրբ վարդապետացն եկեղեցոյ կարգեսցուք զհիշարակս քո»²⁶: Ի վերջո Մխիթար Գոշը ներկայանում է ժողովին և «Ջաքարիս ստիպեաց զվարդապետս ժողովոյն ընդունել զկանոնս»²⁷: Գոշը ժողովական հոգեւորականներին «խորհուրդ տվեց իրենց փրկելը ցրուել և հոգ տանել, որ հայ ժողովուրդը վրաց հետ չխառնուի. ինքն էլ խոստացաւ Ջաքարիայի սիրտը մեղմել և հոգալ, որ նա էլ Իւանէ եղբօր նման վրացի չդառնայ»²⁸: Դրանից հետո, սակայն, Ջաքարեն, Գոշից ծածուկ, ընդդիմադիրներին աքսորում է, բայց երբ վերջինս խմանում է՝ «զբազումս ի նոցանէ թափեաց դառնալ ի փոխ իւրեանց, և գայլսն յետ սակաւ ինչ առուրս Իւանէ եղբայր գորավարին հրաման ետ դառնալ ի փոխ իւրեանց»²⁹:

Այսպիսով, հարցը մնում է առկախյալ, և փարաձայնությունները շարունակվում են մինչև Ջաքարե ամիրասպարի մահը (+1212). «Իսկ Ջաքարէ գժամանակս կենաց իւրոց որչափ եկաց՝ նոյնպէս վարեցաւ, բայց եկեղեցիքն ամենայն առաջին պաշտամամբք վարեցան»³⁰: Վերջին փողերից նկարվում է, որ այս ժողովների կանոնները լայն տարածում չեն

23 Անդ:

24 Անդ, էջ 164:

25 Կիրակոս Գանձակեցի, էջ 164:

26 Անդ, էջ 175:

27 Արել արքեպիսկոպոս, էջ 263:

28 Ա. Զամինեան, Նայոց եկեղեցու պարմութիւն, Նոր-Նախիջեւան, 1908, էջ 241:

29 Կիրակոս Գանձակեցի, էջ 177:

30 Անդ, էջ 177-178:

գրել Նայաստանում, այլ գործածվում էին անհատական նախընտրությամբ: Ժողովի կանոնները համանկեղեցական ճանաչում չգրան մանավանդ այն պարճառով, որ արդեն իսկ Սիսում դրանց ընդունումը, ինչպես արդեն նշեցինք, գիշտական բնույթ էր կրում: Եւ բացի այդ, դրանք Նայաստանում ուղղակի պարտադրվեցին Զաքարեի կողմից. «Զաքարեի հալածասիրական վարմունքն դարապարտելի է պարմության անաչառ դարաստանին առջև: Վասն զի, իշխանական սասար եւ սպառնալիք ի գործ դնել այն րեղ, ուր միայն խորհուրդ եւ համոզումն կը պահանջուի, այս կը նշանակէ սիրոյ րեղ՝ սուր շողացնել, որ պարտազմական գործի է եւ ոչ եկեղեցական ժողովի»³¹: Սակայն հարկ է նշել, որ Զաքարեն ցանկանում էր բարեկամական կապերը պահպանել վրացական թագավորության հետ, իսկ այս խնդիրներն ուղղակի խոչընդոտ էին, եւ չենք կարող ենթադրել, թե հայ-վրաց կրոնական բախումներն այդ, արդեն իսկ ծանր պայմաններում, ինչ ավարտ կունենային: Մյուս կողմից՝ ժողովի կանոններն այնքան էլ հակադրական չէին, իսկ Տուրեորդին ու իր կողմնակիցները հաճախ չափազանց պահպանողական եւ կուրության հասնող մոլեռանդություն էին ցուցաբերում այն աստիճան, որ չէին ցանկանում ընդունել նույնիսկ քրամաբանական եւ քարքական բաներ, որոնք խորթ էին Նայ Եկեղեցու ծիսական ավանդույթներին եւ խաթարվել էին դարերի ընթացքում, ինչպիսիք էին, օրինակ Ս. Պարարագը փակ դռներով չմարտցելը, այս սովորությունն առաջացել էր արաբական փրկապետության շրջանում, որպեսզի արաբները հանկարծակի ներս խուժելով չխանգարեին Սրբազան արարողությունը: Պերք է հիշել նաեւ, որ այս շրջանում էր, որ Կիլիկյան Նայաստանում առաջ էին եկել լապիսների հետ Նայ Եկեղեցու միավորման խնդիրները, եւ այս նույն արեւելյան վարդապետներն էին, որ մեծ պայքար ձեռնարկեցին, ու այս էր պարճառը, որ վերջիններս ավելի պահպանողական դիրք էին բռնում:

Զաքարեի այս առաջարկները, եւ ընդհանրապես, վրաց կողմի մեղադրանքները հայերին սրիպեցին շրկել ժամանակի ընթացքում Նայ Եկեղեցու ծիսակարգ մյաժ այնպիսի խախտումներ, ինչպիսիք էին Ավետման րոնի շարժականությունը, սրբալույս Մյուռնի՝ առանց բուրումնավեր նյութերի պարաստումը, ողջերի համար Պարարագ չմարտցելը, վանական կյանքում առկա անկարգություններ եւ այլն: Ակներել է նաեւ Ս. Մեղանի վրա պարկեր ունենալու հայոց՝ գրեթե պարտադիր դարձած ավանդույթի հարցում Վրաց Եկեղեցու պարկերահարգ մոլեցման ազդեցությունը:

31 Մ. վրդ. Մուրարեանց, Պարմություն Նայաստանայց առաքելական սուրբ եկեղեցոյ, Երուսաղէմ, 1872, էջ 465: